

Transkription von Stadtbucheintrag KIL 1490c

Ort, Datierung: Kiel, 1490-??-??

Signatur: Stadtarchiv Kiel, Das Erbebuch 1411-1604, S. 131/b

Inhalt: Thomas Borneke: Erbenspruch; St. Nikolaikirche Kiel: Erbenspruch; Claweß Werneken: Erbenspruch; Hermen Wedeman: Erbenspruch

Anno (et cetera) xc^o

Dath erue belegen In der densken straten dath aldusz lange hefft / ghehort Jacob borneken vnnd(e) syne(n) erue(n) hort nu quith vnnd(e) vryg / Thomas borneke sym(e) eliken son(e) vnnd(e) syne(n) erue(n) myd allem(e) / rechte vrygheyden szo dath mydt synen endescheden belegen ysz vnnd(e) / Jacob vorbenom(ed) vnnd(e) syne vorvar(e)n vrigest beseten hebben de renthe / vint me In dem(e) pantboke /

De beyden boden belegen by der muren twisken dem(e) flemesken / vnnd(e) Schomakere(n) dor(e)n de aldusz langhe hefft ghehoret hinrick / buff vnnd(e) syne(n) erue(n) horet nu quidt vnnd(e) vrig den kerckswor(e)n / tho sunte Nicolaus thom(e) kyl vnnd(e) eren nakamelinge(n) mydt / allem(e) rechte vrygheyden szo se mydt eren endescheden belegen / syndt vnnd(e) hinrick vorbenom(ed) vnnd(e) syne vorvar(e)n vrigest / beseten hebben de renthe vint me In dem(e) pantboke /

Dath erue belegen In der hartstrate dath alduslanghe / hefft ghehort willem(e) Scroder(e) dem(e) peltzer(e) vnnd(e) syne(n) / erue(n) horet nu quidt vnnd(e) vryg Claweß werneke(n) vn(n)d(e) / syne(n) erue(n) mydt allem(e) rechte vrygheyden szo dath mydt syne(n) endescheden belegen ysz vnnd(e) willem(e) vorbenom(ed) vnnd(e) / syne vorvar(e)n vrigest beseten hebben de renthe vint me / In dem(e) pantboke /

De bode belegen by der muren twisken den fle(m)mesken vn(n)d(e) / Schomaker(en) dor(e) de aldusz langhe hefft ghehoret den kerck/swar(e)n tho sunte Nicolaus kerken thom(e) kyle hort nu quidt / vnnd(e) vryg Hermen wedeman vnnd(e) syne(n) erue(n) mydt allem(e) / rechte vrygheyden szo se mydt syne(n) endescheden belegen ysz / vnnd(e) de kerckswar(e)n vorbenom(ed) vn(n)d(e) se ¹ ere vorvar(e)n vrigest / beseten hebben de renthe vint me In dem(e) pantboke

¹ se im Original gestrichen